



Direktoratet for mineralforvaltning
med Bergmeisteren for Svalbard

Multiconsult Norge AS

Dato: 01.02.2021
Vår ref: 20/04137-2
Deres ref:

Fråsegn til varsel om oppstart av planarbeid Grøn omstilling av Mongstad i Alver kommune

POST- OG BESØKSADRESSE

Ladebekken 50
7066 Trondheim

TELEFON + 47 73 90 46 00

E-POST post@dirmin.no

WEB www.dirmin.no

GIRO 7694.05.05883

SWIFT DNBANOKK

IBAN NO5376940505883

ORG,NR, NO 974 760 282

SVALBARDKONTOR

TELEFON +47 79 02 12 92

Direktoratet for mineralforvaltning med Bergmeisteren for Svalbard (DMF) viser til ovannemnde sak, datert 11. desember 2020.

DMF er statens sentrale fagmyndighet ved forvaltning og utnytting av mineralske ressurser, og skal bidra til størst mulig samla verdiskaping basert på ein forsvarleg og berekraftig utvinning og foredling av mineraler. Vi forvaltar lov om erverv og utvinning av mineralske ressurser (minerallova), og har eit særleg ansvar for at mineralressursar blir teke omsyn til i saker etter plan- og bygningslova.

Sentrale mål i mineralforvaltninga er å sikre tilgangen til mineralressursane i framtida og å hindre at viktige førekomstar blir bandlagt av arealbruk som utelukkar framtidig utnytting.

Om saka

Planområdet er del av Mogstad Storhamn og Mogstad raffineri-område. Formålet med planarbeidet er å bidra til framtidsretta berekraft blant industrien på Mongstad, og skal leggje til rette for etablering av energitunnelar og oppdrettsanlegg på land. Anlegget skal etablerast med dei nyaste og beste grønne løysingane som finst i dag for oppdrett.

Planområdet inngår ikkje i gjeldande kommuneplan for Alver kommune. Overordna gjeldande plangrunnlag er kommunedelplan for Lindåsneset – Mogstad, der området er sett av til næring, hamn og sjø.

Det er vurdert at tiltaket et omfatta av krav til konsekvensutgreiing. Planprogrammet er lagt til offentleg ettersyn saman med oppstartsvarel.

Fråsegn frå DMF

Planområdet rører ved pukkførekomsten, Kvernhusviki, av lokal betyding, i Noregs geologiske undersøking (NGU) sin grus- og pukkdatabase¹. NGU beskriv førekomsten

¹ Pukkførekomst Kvernhusviki, Grus – og pukkdatabasen (NGU):
https://aps.ngu.no/pls/oradb/grus_GP_Del_fakta_KS.fkom_besk?p_objid=106893



som mogleg framtidig uttaksområde. Delar av førekomsten er allereie bandlagt av eksisterande næringsområde, men ut i frå flyfoto ser det ut til at det er teke ut massar enkelte stader der det ikkje er bygningar.

I saker som omhandlar etablering av næringsverksemd, er DMF oppteken av om det skal takast ut massar frå området som ein del av tilrettelegginga av arealet eller om det vil bli drive masseuttak. I så tilfelle gjer DMF ei vurdering av om tiltaket er omfatta av minerallova sitt krav til driftskonsesjon, etter minerallova § 43.

Vi kan ikkje sjå at det er gjort greie for eventuell terrengtilpassing eller vidare bruk av område der det tidlegare har vorte teke ut massar. DMF ber om at dette blir innarbeida i planprogrammet. Dersom massar skal takast ut frå området, bør det utgreiast for kva massane skal nyttast til. Det same gjeld uttak av massar for tunnelbygging under bakken.

Konsekvensutgreiing

DMF ser at mineralar er teke med under tema om naturressursar. Under fanen om aktuelt eksisterande materiale/kunnskap, er det derimot ikkje teke med kunnskapsgrunnlag for mineralressursar. Vi oppmodar om at NGU sin grus -og pukkdatabase blir lagt til grunn for vurdering av mineralressursen i området.

For nærmare informasjon om minerallova med tilhøyrande forskrifter, sjå heimesida vår på www.dirmin.no. Her finn du og vår digitale kartløysning, som er eit nyttig verktøy for oppdatert informasjon om mineraluttak, bergrettar m.m., supplert med relevante kartdata frå andre etatar.

Med helsing

Dragana Beric Skjøstad
seksjonssjef

Karoline Ulvund
rådgjevar

Dokumentet er elektronisk signert og har difor ikkje handskrivne signaturar.
Sakshandsamar: Karoline Ulvund

Mottakarar:
Multiconsult Norge AS

Kopi til: